

برنجی سنہ

دور برنجی صالہ

دار الفنون
الکتابیات لکھنؤ

تاریخی ، اجتماعی ، دینی ، فلسفی

تشرین ثانی — ۱۹۲۶



شہزادہ باقی — اوقاف مطبعہ سی
۱۹۲۶

اقوام اسلاميه اتنوگرافياى تدقيقانندن

ايكنجى فصل

عربلر

انشعاب عربى

موضوعمىزك بوندن اولكى السيات مجموعه سنده نشر ايدلمش بولونان مدخلنك (أتولوژى) بحثنده عربلر ك تقسيماتى حقنده ايضاحات و يرلديكى صيره ده قفقاسى دينلن بشريت كو كينك جنوبى قولندن اشكالجه بربريله خيلى متباين داللىر انشعاب ايتديكى ذكر اولونمشيدى . عربلى طيبعونك (حاميتىق) و (سهميتىق) ديهه توسيم ايتدكلرى داللىردن (سهميتىق) يعنى ساميه [*] شعبه عربيه سنه بر طاقم قديم و متأخر قوملر ك نسبت ايدللكارى و اقوام ساميه دن بقا بولان طاقملرى باشليجه يهوديلرله عربلر ك تشكيل ايله دكلرى علاوه مقال اولونمشيدى . ساميه دالينك اك بويوك قسمى اولان (عرب) قومى يته ساميه دن صاييلان اوراق شعبه لرى كنديسنه جاذب اولمش و حتى بر جوق يرلرده اكثريت اوزره كندى عضويت قوميه سنه قابل مزج برحاله كتور مشدر . سريانى و كلدانى كې اوراق ساميه داللىرينه منسوب اولان و بالاخره نصرانيت كنيساسى نفوذى آلتنده قالان طائفه لر لسان عربك قوه جاذبه سيله همان همان احزاب مستعربه شكلنه كيرمشلردر .

تقسيم قومى

اصل عربلر كشدى ناملرينه نسبتله ياد ايديلن شبه جزيره ك اكثر جهاتى اسكيدن برى اشغال ايدى كمشلردر . دور اسلاميتك كشدانندن صوكره كلن عرب مورخلىرى كندى قوملرينى باشليجه ايكي حزيه آييرمشلردر . «عرب العربيا» دينلن اسكى حزب جنوبى كه يميللىرى احتوا ايدردى . بونلر قحطانى شعبه سى اوله رق تلقى ايدلمشلردر . حزب شمالى يه ده [*] سهميتىق و ياساميه تعميرى مدخلده كچن (آرييه ن) سوزيله مقايسه ايدلمك مناسبدر . (آرييه ن) تعميرى معين و مثبت احزاب قوميه دن زياده برسلسله السنه يه علم اوله رق استعمال ايديلور . حال بوكه (سهميتىق) لفظى معين اولان و بر قسمى ده اونام آلتنده جهانده عرض موجوديت ايدوب طوران قوملره اطلاق ايدلديكى كې برسلسله السنه يى دخى مشدر .

«عرب المستعربه» اسخی ویرلشدر . جنوبی عربستانك اهالی اصلیه سندن حمیرلر اخلافه بر جوق آثار مدنیه برافشیلردر . بونلرک کندیلرینه مخصوص حرفلری بولونیوردی که نه بوطافه ونده آنک حرفلری اصلاً آفریقادن کلمه مش فقط سامیه اصلیتندن نشئت ایلمه مشدی . واقعا عربستانك جنوب غربی سواحلی ایله بحر احمرک آکا قارشلی طرفلرینه دوشن سواحلی آرمهنده اسکیدن بری متقابلاً جولان طوائف وقوع بولوردی . پک اسکی زمانلرده شمال طریقله آفریقادن آسیایه کچن وحامیه قولینه منسوب اولان برطافه جنوب طرفلرینه وحق عمان حوالیسنه طوغری شد رحل مهاجرت ایتمشیدی که عربستانك مدنیت قدیمه سته خدمت ایتدیکی بعض آثار عتیقه دن استدلال اولونان بوطافه - (که قاشیت دییه مؤلفین غربیه طرفندن ذکر اولونور) - انجیلک عهد عتیقه ده بوطافه یه «قش» عنوانی ایله اشارت ایدلشدر . بونلر عربك اصلیتنه هیچ بروجهله اجرای تأثیر ایدمه دکرنندن باشقه کندیلری تعرب ایدهرک اصلیتلری غائب اولمشدر .

حمیرلرک برقسیمی ده یته ازمان عتیقه ده آفریقایه کچهرک حبشستانده قرار قیلمشیدی . او مملکتده بونلرک بقایاسندن بعض معین وغیر مختلط قافله لر بولونوب بولونمه دینی مشکوک بر مسئله عرقیه در [۱] . عربستانده قالان حمیری طاقی ایسه سامیه نك دیکر بعض حزبلری

[۱] بحر احمرک بالاده مذکور ایی ساحلی آرمهنده مهاجرت جریانلری دورا سلامیتك کشادنن صوکره دخی وقوع بولوب کیتمشدی . صدر اسلامده کی مهاجرتك الک مشهوری - صناید قریشك تعدیاندن قاهره حبشستانه کیدن - حزب مسلمینك التجاسیدر . پروفه سور آرنولدك لسانزمه (انتشار اسلام تاریخی) عنوانی آلتنده طرف عاجزانه مدن ترجمه ایدیلن کتابنده مندرج وحبش نجاشیسه خطاب ایدیلن التجانامه سی شویوله در :

«ای حضرت ملک ! بظلمت جهله مستغرق ایدک ، اصنامه عبادت ایدیوردق ، لاشه ییوردق ، نیجه شناعتلر ارتکاب ایدیوردق ، رابطه قرابتی احلالده بولونیوردق ، قومشولرمزه سؤ معامله ایدردک ، آرمزده قوی اولانلر ضعیف اولانلری یومتق ایستردی . عاقبت جناب حق کندی آرمزدن بزم پر رسول ویردی . آنک طوغریلغنی ، شایان اعتماد اولدیغنی ، حیاتك پاککنی بیلیدیکن قدرنسائی واصلتیه بیلوروز . اوبزی آتالرمزک تعبد ایتدکری انصانی ترکه والله واحده عبادت ایتمکه دعوت ایله دی . سوزلرمزه طوغری وعدلرمزه صادق ، ابونزمه شفیق ، قومشولرمزه لطفکار اولغنی وجنابتدن ، خونریز لکدن توق ایتکی بزمه امر ایله دی . یتیم حق یتکدن ، عفت نسوانی هتک ایتکدن بزی نهی ایله دی . یالکن الله تعالی به عبادتی ، صدقه و ذکات اعطانی بزمه امر ایتدی . بز کندیسنه ایتاندق و جناب حق طرفندن آکا وحی صورتیه اولان تبشیرانه اتباع ایتدک . لکن وطنداشلمز علیهمزده قیام ایلدیلر و دین فطریعزی بر اقوب بتپرستکه و حیات سابقه نك شانیفته رجوعه اجبار ایچون بزمه تمذیبانده بولودیلر . بویه جه ظالمانه معامله لره و آلیم صیقیتیلره بزی دوچار ایتلری اوزرینه بزمه قاجوب مملکتکنزه التجا ایله دک ... الخ»

کچی کیت کیده عربك بویوک عضو معنویسنه ملحق اولمش ولسان عربك نفوذ تسخیریه سی ایله مزج وبلع ایدلمش و مرور ازمان ایله نابود اولمشدر. بو کون اولدینی کچی تاریخک قیدایتدیکی اواسکی ادوار قدیمده دخی «عرب» لفظیله مراد ایتدیگمز کتله سامیه افرادی - کندی نامه اضافت ایدیلن - معظم شبه جزیره خلقی کلیت اوزره تشکیل ایتمشیدی .

وهرت قومه استمراری

عرب الکاسنده اساساً موجود اولان عرقی برمزج وبلع قوتی صوکره لری اسلامیتک ظهوری اوزرینه داها قطعی بر صورتده آرتمشدر . واقعا داها اسکی زمانلرده دخی جزیره العرب سکنه سی آرسنده - قبیله ، طائفه ، اتباع کچی خلق تصنیفاتی مستثنا اولوق اوزره - برهموصفاق حالی مشهود بولنیوردی . مع مافیہ بومقارنت و مشابہت اوصافه رغماً جزیره العربده کی مختلف ناس کتله لری آرسنده حرکات مشارکده استعداد کوستریله مہمہ سی - وحقی زمانزده بیله لایقیله کوستریله مہمہ سی - شایان دقت احوالندرز . تعیین اصلیت مسئله سنده عربلرجه اک زیاده مرعی اولان شی «عرقیت» دکل «نسب» درکه آنلر بوکا زمان قدیمده دن بری اهتمام کوستهره کلشدر . لکن بواهتمامه رغماً اصلیت انسابیه مسئله سی برمظالمیت ایچنده قالب کیتمشدر . ذاتاً او بابده احتجاجه صالح اوله بیله جک قصص ومدعیات آنجق اسلامیتک ظهورندن صوکره لسان روایندن صحیفه سجالاته لایقیله کچورلمسکه باشلامش اولدیغندن زمان جاهلیتک تعیین نسب و نسل حقنده کی عنعناتی علمک شهادت مثبتہ سنه پکده مستند دکلدز . قصص مرویه دن آکلاشیله بیله یکنه کوره ابراهیم (ع.م.) دن برطرفه اسماعیل دیگر طرفه قحطانی طاقی آیرلمش وقحطانی قولینه اهل قبلی آدی طاقیلمش ؛ بوده یمن ایللارنده طاغیله رق برخیلی انشعابات متعاقبه یه اوضرامشدر . اسماعیل قولیندن «اهل شمال» دییه ذکر ایدیان معادید طاقی اورومش وبوندن چیقان قبائل کیت کیده برجوق شعبه لر آیرلمش وبوشعبه لرک برندن عاقبت - الهام قدسی ایله کندیسنه نشر اسلامیت مقدر اولان - پیغمبرذیشانک منسوب بولوندیغی قریش میداننه کلشدره .

جغرافی وضعیت

عربك هویت قومیه سندن بحث ایدلیدیکی صیره ده آنک ساکن اولدینی خطه نك وضعیتی برکره شویله قصه جه ملاحظه ایتمک مناسبدر :

عربستان دئییه یاد ایتدیگمز الکاتک وضعیق نصلدر وحدودی تهر ؟
شرق قریبک وبالخاصه بلاد عربیه نک ایشلریله مشغول بولونان انکلیز مأمورلرینک
استفاده لری ایچون انکلیز بحری وبری ارکان حربیه لری طرفندن جمع وتلفیق ایتدیریلوبده
عمومی حربک ختامندن بر مدت صوکره محرمیتی ازاله ایدیلن مهم بر ائرده - که عنوانی
« عربستان ایچون رهبر کتابی » در - جزیره العربک جغرافی وضعیتی حقتنده شو بیاناته
تصادف ایدیلور :

« عقبه کورفزینک شمال جهتندن شط العربک باشلرینه طوغری بر چیز کی چکیلسه
جنوب طرفنده قالان قسمندن آشاغینسه « عربستان » دیمک داها مناسب اولور . بوخط
مفروضک آشاغی طرفنده کائن و مربع اووجلری حاوی شبه جزیره « جزیره العرب »
آدی ویریلور . بوراسی یدی بوزمیل قدر عرضه و بیک ایکی بوز میل قدر طوله مالکدر [۱].
بوخطه نک احتوا ایتدیکی ساحه ارضیه آسیا قطعه سنک دیگر بویوک بر شیشه جزیره سی
حکمنده اولان هندستانک مساحه سنندن بکده آشاغی دکادر . کثرت نفوسجه وضعیت
قومیه جهتیه اهم اولان حوالی یی - غرب طرفندن بحر احمر سواحلی بونجه امتداد ایدن
یرلر وجنوبده بحر محیط کبیره التصاق ایدن بلاد ساحلیه وشرق جهتندن بصره کورفزی
حوالیسی - تشکیل ایدرلر . عربستان ایرماغی یوق ، چولی چوق برخطه در . اورانک
خلق جوش و خروش ایله آقان صولری آنجق شدتلی یاغمورلر یاغدینی زمان بعض وادیلرده
کوره بیلورلر . حجاز خطه سننده کی وجنوب غریبده کی وحق یمنده کی ارتفاعی طاعلردن
بیله دکنه قدر آقوب کیدن بر جای یوقدر . داخلک پک کنیش بر ساحه سی - شمالدن
نفض [۲] و آشاغیدن جنوب غربی به طوغری رباع الحالی دینیلن وقوم طالع لری یاپان
چوللر اشغال ایدرلر . اک چوق صو بولونه بیلن یرلر و واحه لر عمانک ، یمک ، حجازک
یوکسکجه اولان حوالیسی ایله نجد طرفلرنده کائندرلر . »

جغرافی تقسیمات حقتنده تفصیلاته کیریشمک بوبخنده مطلوب اولماقوله برابر بوخطه نک
اشکال اجزاسنه دائر - خریطه قومیه یی ملاحظه مناسبتیه - بیانات آتیته ده بولونمغه لزوم
واردر : جزیره العربی شمالی ، مرکزی ، جنوبی دئییه اوچه بولرلر . بونلردن برنجیسی
سوریه اراضی سنک کنارلرینه قدر امتداد ایدن دیار اولوب چوللری حاویدر واهالیسی

[۱] برانکلیز میلی ۱۶۰۹ متره قدر طوتار . بوحسابجه مثلا بش میل سکز کیلومترو قدر

برشی طوتار . بحری میل ایسه ۱۸۵۸ وکسور مترو طوتار .

[۲] نافود کی تلفظ اولونور .

یا تمامیه کوچه به حیاتی کچورر و یا آرزوق حال بدویت اوزره بولونور. ایکنجیسی یعنی مرکزی عربستان، حجاز و نجد کی اکثریتله طاشاق و قایالق یرلری حاویدر. اوچونجیسی عسیری و یمک یوکسک حوالیسی ایله حضرموت و عمان جهتلرینی احتوا ایلر.

مهاجرت حرکتلری

عرب قومک بویوک بر قسیمی اسکی اعصاردن بری - حتی زمانم زده بیلله - کوچه به حالنده یاشامقدردر. عربستانک تصبیه لرنده اوطوران اهالیده بیله چوق کره بدویت حیاتی اوصافک علائمی مشاهد اولور. طبیعتک عربستان خلقنه انعام انباتیه سنی جو مردلک ایله و یرمه مه سندن طولایی جزیره العربک بر چوق یرلرندن - عائله، طاقه، قبیله حالنده کی - انسان آقینلری خارجه جهت جهت قسمت آرافه کیمشله - تعبیر صحیحیله - خارجه طوغری مهاجرت ایده کیشلردی. بوناس کتله لرینک داهانم مکانلر بولمق امنیه سیله صاعه وصوله طوغری شد مراحل ایتمه سی قبل الاسلام چوق واقع اولوردی. بو حال ظهور اسلامیتدن صو کره لری دخی واقع اوله کیدی ایسه ده زمان جاهلیتک مهاجرتلری صرف جسمانی و مادی ساقه لردن ایله ری کیش اولدینی حالده بعد الاسلام وقوعه کیش اولان اوکی جماعت جوش و خروشلرینه بویوک برساقه معنویه انضمام ایتشدی. بوفوران روحانینک موجب اولدینی حادثات، بنی بشردن بویوک بر قسیمک مقدراتنده نهایتسز تحوللری موجب اولدی. لکن عرب دیاری داخلنده حیث عمومی شوصوک زمانلره قدر اسکی حالی اوزره بقا بوله کلدی. مع هذا بونجه عصرلردن بری جاری اولان اشکال حیاتیته ک بوترقی سریع عصرنده، بوجهان شمول هیجان فعالیت دورنده آرتق اوزون مدت باقی قالمه سی محال کیدر. شیمدیکی انتباه انسانی، جزیره العرب واحه لرنده بیله جاری اولسه کر کدر [۱] بناءً علیه یالکیز جزیره العربده کی خلق آره سندن دکل بوتون عالم عربده و عربجه تکلم ایدن مملکتلر انسانلری یئنده عصرک سریع و سهیل تماسلرینک یاردملریله یکی بروحدت مفکوره تحصیل، یکی بر جوش و خروش ظهوری پکده مستبعد کورینن تخمیناندن دکلدر.

عربستانک چوق یرده قوری اولان اقلیمک هوا سیله یاشایان بشر افرادی صحت تامه

[۱] اووجی بوچانی بولونه مایان قوری چولاردن دمیر یولاری هنوز کچه بورلر سده کچه چکاری زمان پک اوزاق بر آتیده دکلدر. صحرالک بعض جهاتنده قوملقلره مخصوص اوله رق یایلان اوتومویللر ایوم ایشله مکده درلر. اوزون چولار اوزرندن طیاره لر کچه کده و بونلرله اوتومویللرک معمورلرده کی مرکزله آره سندن تلغراف تلغرافاتی وقوعه کلکده در.

اوزره بولونورلر. اورالرده - یاشامغه آنجق اك بويوك استعدادی بولونان - تولدات یاشایه بیلور. اقلیم یابس، کثرت تناسله خادم اولمشدر. آرتان نفوسی طوبراغك قیصرلغی اعاشه ایچون مانع طبیعی کسیدیکندن عربلر حدود قومیهی اوتهدن بری آشمغه میل کوسته ره ککشلردی. عصیلککری زیاده جه اولان عربلر اساساً جوشقون روحلی اولدقلرندن باشقه اسلامیتك ظهورندن صوکره اك زیاده یکی دیانتك نفوذ توحیدیهی ولسانلرینك خاصه جاذبه داریمی سایه سنده عربلغی عربستاندن اوزاق بولونان یرلره تشمیل وبناء علیه اصلاً عرب اولمایان حتی سامیه عرقه بیله منسوب بولونمایان برنجیه افراد بشری مستغرب صفتنه صوقشلردی. [۱]

زمانه جاهلیتمه ترقی

مسلمان عربلرک هویت قومیهلری حقنده بر فکر حاصل ایتمه چالیشدیغمز صیره ده زمان جاهلیتمه کی عربك ماهیت ودرجه مدنیکی مناسبیتله بعض تحقیقآنده بولونمقلاغمز لازم کاور:

عربلرک زمان جاهلیتمه کی آننوغرافیایلی مناسبیتله وقوع بولان تحقیقآتمزده بعض فرنك آثارنده يك عجیب مدعیانه راست کلدك. بومقوله مدعیانك قائلری اولان عربلی محررلر شرقیلره دائر اولان حکملرنده یا اغراض متعصبانه قایلشمشلر ویا محاکمه فیلسوفانه به رعایت ایتیه ره حکملرینی ویرمشلردر. شایان تأسف احوالندر که بوقیلدن اولان مدعیات افرنجیهی کوته بینانه صورتده تلقی بالقبول ایدن وطنداشلرمنز ا کسیک دکلدرد. شرقیلره وعلی الخصوص شرقیلرک مسلمان قسمنه متعلق بیانانده بولونان عربلیلردن برجوقلری یا نصرانیت کینیساسی اربابی ایله یارانی طرفلرندن ترغیب اولونمشلردر ویا شرقده انفاذ ایدیلن غرب امپریالیزمی تحکمی علم نامی آئنده اسلوبلیجه تزویج ایدن مؤرخ، مستشرق، آثارعقیقه متخصصی کی بعض کیمسه لر جانبدن مذکور بیانات میدان انتشاره آتیلمشدر [۲] اومثللو بیاناتی اورتیه سورن کیمسه لر آره سنده قبل الاسلامیه

[۱] عباسیلر آره سنده اصلاً ایرانیان صاییلان افرادك زیاده جه مزج اولوب کیمته سندن طولای عباسی عربلری داها آغیر قائل، داها تمکینلی بولونورلردی. حال بوکه داها صاف صورتده عرب قاننه مالک بولونمش اولان امویلر آنلردن اوصاف عرقیه جه خیل فرقلی ایدیلر. امویلر معتدل دکلردی، حشونت هیجانه مالک ایدیلر.

[۲] بوکی کیمسه لر یالکز انکیز محررلری آره سنده کپوروله مشدر. انکترمه دالقاووقلق ایدن ویا انکتره نك شرقده کی امپریالیزم مسلکده امثال ایچون او طریق غرضکارانهی التزام ایدن

عربلر آره سنده - اسلامیت دورندن سوکره مثلی کورله مشن - فیوضات مدینه آناری کشف ایدنلر بولونور . بوذاتلر عبرانی و سریانی نسانلرنده واسکی عربجهده محرر اوله رق کوردکلری بعض پارچه لردن و اوتوده بروده قیریق دوکوک حالدرده بولونان - و بعض کلماتی هیچده طوغریجه خل ایدیله مه مش اولان - کتابة لردن اسکی موجودات مدینه و فیوضات علمیه آناری چیقارلر . انکلیزجه بویوک (آنسیقلوبه دی) ده اسلام عالمه دأثر یازیلان مواد و مقالاتك بعضیسی بوذهنیده کی ارباب علم و قلم طرفندن اصداریدلشدور . بویکی محررلردن بریسی اهل اسلامك ایجاد کرده سی اولدییغنی سویله دیکی « زمان جاهلیت » تعبیریه استهزا قصیده دیرکه :

« حقیقت حالده عرب عالمی - مسلمانلرک مظلوم صورته تصویر ایتدکلری - اوزمانلرک منزل تعالی سنه سوکره لری هیچ بروقت واصل اوله مامشلردر . »
 بوادعایه جواب اولق اوزره بزده دیبه بیلورزکه وقایع تاریخیه یی بویله ترسنه چه ویرمکه هیچ برشرقی بوقدر هنر کوسترمه مشدر وداها طوغریسی آنی کوسترمکی ارتکاب ایتمه مشدر .

اوت، زمان جاهلیت دیدیکمز اذواردده یازی صنایع نفیسه دن بری اوله رق تلقی ایدلمشیدی؛ فقط حسن خط صنعتنده بعدالاسلامیه وجوده کلش اولان فوق العاده ترقیه نسبتله زمان جاهلیتک خطوط تحریریه و نقشیه سی (کخط بط فی شط) قولینه ماصدق قاله جق قدر هنرلی کورینور . شه سز ، اشعاردخی زمان جاهلیتده پک بویوک اهمیتله تلقی ایدیلن بر صنعت تفکریه ایدی . سوق عکاظده کوسترملش اولان هنر کلامک یوکسک اوصافدن خبردارز . لکن شوراسی ده تسلیم ایدلمک لازم کاورکه اسلامیتک تأسیسی اوزرینه لسان عربک اکتساب ایتش اولدییی فصاحت و بلاغت متزایده ، متمسکیت الفاظیه ، عمق معانی ، قدرت جذب و تسخیر قارشوسنده - تعلقات سبعه نك فوقنده هیچ برعالی سوز بولونه ماز ظن ایدنلردن برچوقلری - انکلیزجه کوسترمکه مجبوریت حس ایله مشلردی . قادیلرک زمان جاهلیتده مالک اولدقلری موقع مدینک ممتازیتی انکلیزجه قاموس المعارفه اوبابده یازی یازان پاپاس ذهنیتلی برحیررک ادعالرنندور . بعض قیزلری دیری دیری کومک بر معامله مدینه صایلیورسه آکا قارشو دلیل کتورمکه چالیشمق بیهوده برزحمت اولور .

آلمانلر یله کورلمشیدی . بویکیلردن آلمان مششرق متوفی هارتمانک عمومی حرب صیره سنده امور شرقیه ایله اوغراشدییی صیره ده اوزمانک ایجاب سیاسی وجهله اعتراف قصور ایله دیککی کورمک یزم ایچون موجب محفوظیت اولمشدی .

اواسکی زمانده قادیلرک مظهر صحابت و حرمت و نائل حریت بولندقلری ده آلمان مستشرق شهری (نوله که) بعض عتیق کتابه لرده و سکه لرده کی حروف و اشکالک دالالتندن استفهام ایتشیدی. واقعا یمن و عمان جهتلرنده ازمان عتیقه ده کی آثار مدنیته نک بقایسی حالامشاهددر. شوقدر که بولر مدینت مادیته نک موجودیتنه دالالت ایدن علائم دندرلر. حقوق نسوانه کلنجه : بونک دورا اسلامیتک کشادنن صوکره تأسس ایدن احکام تأمینییه سی - زمان جاهلیتک بدوی عربلری شویله طورسون - غربی آوروپانک واضع قانونلرینه آنحقیق اسلامیتک ظهورندن عصر لرجه صوکره سنوح ایده بیلمشدی [۱]

مدینت اسلامیه

تعمداً وقوع بولان هیچ برسوء تأویلیک ، هیچ برتغلیط طرفکیرانه نک انظار تدقیقندن ستر ایده مه یه چکی اوزره عرب عالمک جهان اعظم انسانیته کی وضعیت متمدنه سنک اهمیتنی اسلامیت وجوده کتورمشدر. کذلک عرب مدینتک و حرث عرفانیستک آثارینه ده خالص عربلردن ماعداً تعرب ایتیش و یا ایتیمش افراد مسلمنه خدمتلرده بولومشدر . مغرب اقصاده کی بربرلرک ، اندلسده کی مستعربلرک ، عراقده کی ایرانیلر و تورکلرک عرب نامنه نسبت ایدیلن مدینته ایتدکلری خدمات جزیه نک بویوک کمیتی تاریخنک سبجالاتیه مبره در .

ادبیات عربیه حقتده دخی حقیقت نمائله کوریلور. اسلامه کلن اقوامدن بر نیجه لرینک مساعیسی خالص عرب قانندن کلن اشخاصک دهاسی درجه سنه یاقین صورتده عرب ادبیاتنک انکشافه خادم اولمشدر . انواع علوم و فنون حقتده عربجه مخلص اثرلر وجوده کتورمش اولان اهل اقتدارک تراجم احوالی میدانده در . بولردن عرفان عربییه خادم اولمش کیمسه لرک بر چوغی عربک غیری قوملردن یتیشمش مسلمانلردر . زمانزده ایسه عرب ادبیات عمومیه سنک تکمیل و ترقیسنه جزیره العربده دکل قاهره و بیروت کی مستعربلک شکلی عرض ایدن یرلرده چالیشلمقده در .

بو حال مشارکت ، عرب نامنه نسبت ایدیلن صنایعه دخی کوریلور . علی الاطلاق

[۱] چوق او قودقلری روایت ایدیلن بعض نوجوان کیمسه لرک بالاده کی مدعیاتمزک ضدی اولان ذهابلری ترویجه مقتدر اولدقلرینه واقفم . لکن نه سنلری او قودقلری مباحثی تمامیه هضمه نه ده تجربه قصیرلری افرنج مؤلفلرینک بیاناتنده کی حق و باطلی لایقینه نیزه مساعد بولونمایان اوکی ذواتک نفوذلرینک تطبیقرینه علم و منطق چوق زمان میدان براقاز .

افراد مسلمة نك همتهلری منضم اولماش بولونسه ایدی بك محتمل كه مدنیت عربیه كندی .
نامنه اضافه ایدیان صنعت نفسیه نقشیه دن محروم قالوردی .

افرنجك (آرابه سك) ویا (ساراسه نيك) دییه توصیف ایندكاری صنایعك طرزنده
عربستان نفوذی دكل عالم اسلامیت نفوذی بالغاً موجوددر .

(آرابه سك) طرزصناعتك رومالیردن منتقل خطوط مصوره دن مقتبس اولدیغی ادعایی ده
طرفكیرانه مسلك اتحاد ایدن محررین عربیه دن بعضلری طرفندن ایله ری سورولمشدر .
بونك بویه اوله جغنی فرض ایتمه مكلمز ایچون بر سبب معقول بولونمه یه بیلور . ذاتاً دنیامك
هر بر مدنی جهتده مشاهد اولان هنر و معرفت آناری شو ویا بو منبعلردن ملهم ،
مقتبس ، متخذ اولمش بولونه بیلور . آنجق بر اثر متخذك فخر فضیاتی اوڈیری انكشاف
ابتدیرن واوكا جهانشمول بر معروفیت معتبره ویرن جهته عائد اولق لازم كلور . ایشه
(آرابه سك) دینیلن طرز نقشده بولونه بیان فضیلت و عزیتك شانی ده مغربك ، مصرك ،
عربستانك ، سوریه نك ، عراقك ، ایرانك ، تورانك اهل اسلامنه نسبت اصلیق بولونان
هنر و معرفت اربانه عائد اولق كر كدر .

ملاحظات آنفه مناسبته شونقطه حیرتله قید اولونمق لازم كلور كه قرون وسطاده
كندی نامنه نسبتله بونجه صنایع ترسیمه ، معماریه ، اعمالیه وجوده گلش اولان عرب
قومك كندی مأوای اصلیسنده یعنی جزیره العرب داخلنده بوكون موجودیتی کوریله بیان
آثار حرفت و صنعت قابا وساده و ذوق سلیم خاصه سندن آزاده بولونمقده در وعادتا حال
ابتدائیده در .

عربلرده تجارت میلی

دنیاده اسکیدن بری آثار مدنیتك انتشارینه باشلجه کشفلق ایده گلش بر صنف ناس
واردر كه اوده اهل تجارتدر . سجایای عرقیه سندن بریسی ده كندیسنك كندن داهامنم اولان
مملكتلرده استیلاجولق ایتك اولان عرب ، یالكز فتح بلاد ایچون اوزاق یرلره قدر
آتیللق ایسته مه مشدی . عرب ، سرگذشجولق قدر باشقه مملكتلرده کی بازاركار و كسبده
یر طومتق میلانی دخی كوستره رله گلشیدی . عربك حرفتدن زیاده تجارتیه استعدادی بولوندیغی
كورولمشدر . بعض عربلر كچیدی قولای ایکی طار ده كیزك شهرا تجارتندن استفاده ایله
قالامشدر ؛ همده وجه جنوبیلرنده آچیلویرن محیط كیبرك صولرینه تكنه صالحه رقی
الشیات مجموعه سی صابی ؛

هنده ، چینه ، ماله زیبا آطه لرینک اوزاقلرینه قدر آلیم وصاتیمده بولونمغه کیتمشلر . عربستانک محارج تجارتک اک مهملری بصره کورفزینک هند ده کیزلرینه طوغری اوزانان قییلری اوزرنده و خاصه عمان سواحله کائن ایدی . عمانک حوالی ساحلیه سی کثرت نفوس جهتیله و اهمیت اجتماعی و سیاسی جه بحر احمرک حوالی ساحلیه سندن صوکره کاور . حال بویه اولمقله رابر عمان ایله بصره کورفزینک مرسای بحریلری - تجارت نقطه نظرندن - اسکیدن بری داها اهمیتی بولونه کیشلردی . شرقی آفریقا سواحله کندن هند ده کیزلرینه طوغری امتداد ایدن نهایتسز آچیق صولری یاز اورتیه سنده آلت اوست ایدن و ایلیق صو طامالاری کبی یا غمور لر دوشورن (مون صوون) [۱] فورطنه لری ایله حاصل اولان دواملی طالع لره عمان سواحله شتله اجرای تأثیر ایدمه دکاردن اوسواحله کی عرب لیمانلری اوتندن بری تجارت بحریه مراکینک صیغیمه سنه مساعد بولونه کیشلردر . ایدمی بولیمانلر یالکز عربلرک مواقع تجارت آرامق ایچون چیقوب اوزاقلره کیتمه لرینه یارامقله قالماملر و همده شرقک یاقین ویا اوزاق جهتلرندن قالقوبده قسمت آرامق ایستین برچوق اشخاص اجنبیه یی جلبه مساعد بولونمشلردر . اورالرده کی اجنبیلرک باشلیجه لری ایرانلی ، بلوچستانی ، هندستانی اشخاص ایله آزاد ایدلمش آفریقالی زنجیلردر .

دنیاده کی اک مهم اینجی صیدلرندن بریسنک بوحوالیده یاییلمه سی یابانجی اشخاصک اورالده و رودی ایچون خاصه بر جاذبه کسبه تشکیل ایتشدرد . مع هذا بو مسئله آنتو غرافیا نقطه نظرندن باقیدقده جزیره العربک مذکور جهتلرینک قومیت اصلیه سنک هیچده خللدار اولمادیغی و سکنه محلیه ده صرف عربلق صفی غالب کلدیکی کوریلور . عربلسانی ایسه کندیسنه خاص اولان قدرت جاذبه ایله اصلاً اجنبی اولان اشخاص واردیدن بر چوقلرینک عربک جامعه قومیتی ایچنده قاریشوب قایناشمه سنه یعنی عربلاشمه سنه خادم اولمشدر . عرب تجارینک اعصار عتیقه ده دخی شرق ایله غرب آره سنده معاملات تجاریه نک میانجیلری وضعیتنده بولوندقلری بالاده کی بیاناتدن منمهم اولمشدر . ینه بیانی بوراده مناسب دوشه چکی اوزره اسلامیتک ظهورندن و جزیره العربده تأسسندن صوکره دخی عربک تجارت خصوصنده کی متشبثلکی دوام ایتشدرد [۲] عربستاندن چیقوب جهات مختلفه شرقه

[۱] مون صوون سوزینک عربجه نک موسم کله سندن محرف اولدیغنی ظن ایدرلر .

[۲] الکاسب حبیب الله کلام مشوقانه سنک قائلی اولان حضرت پیغمبرک تجارت ایتمن اولدیغنی بو مناسبتله خاطر لایمه لیدر .

کیدن سیار عرب تاجرلرینک اسلام دینی فتوحات اسلامیه نك یتیشمه مدیکي یرلره صوقولمش اولدقلری دخی بوراده قیده شایان اولان حادثات اجتماعیه دندر [۱].

عربستانده اهلک

شیمدی بحثی عربستانک حال حاضرده کی سکنه سنه نقل ایده لم :

جزیره العربک - آسیا قطعه سنک دیکر بویوک برشبه جزیره سی صاییلان هندستاندن پکده کوچوک اولمایان - برمساحه سطحیه مالک اولدیغنه دایر بالاده بر اشارتده بولونمش ایدک . حال بوکه هندستان شبه جزیره سنک اوچ یوز میلیون متجاوز سکنه سنه نسبتله قوجه مان جزیره العرب داخلنده یاشایانلرک عددی سکنز میلیون متجاوز تخمین ایدلر . بوفر نک تخمیننه اعتراض ایدن عربلر اوراده کی عرب نفوسنی سکنز میلیونک بر ایکی قاتنه چقارمق ایستلر . فرنک تخمیننی حسیات سیاسیه ایله متنفذ اولمش ایسه عرب تخمیننه حسیات ملیه سائقه سیله حد اعتدالی آشمش اولسه کرکدر . هر حالده معلوم اولان برشی وار ایسه اوده عربستانک کثافتلی سکنه یاشانان بر خطه ارض بولونمه دیقدر . عمان سواحلی وبصره کورفرینک باشلرینه طوغری امتداد ایدن جهتلر اک چوق نفوسلی اراضی عربیه دندرلر . بورالرده کی مقدار نفوس اوچ بوز بیکی متجاوز صاییلور . یصره کورفریندن عراقک داها ایله ریسنه طوغری امتداد ایدن یرلرده اهالی مسکونه آره سننده ایرانلی ، هندلی و بلوچستانی اشخاص ایله بعض شرق یهودیلری بولونمقده درلر . لکن بوتون بوحوالینک کتله ناسنی اکثریت کلیه ایله کوچه به حاللی عربلر تشکیل ایدرلر . عربلردن قرق بیک قدر نفوس یالکیز بصره شهرنده و اطرافنده سا کندرلر . مذکور حوالیده کی نفوس عمومینک مقداری یوز یکریمی بیکی متجاوز صاییلور . بوخلقک باشلیجه اشتغالی خورمالقیر یتیشد برمک و تمیه اتمکدر . بورالرده شکل مذهبی غالبیتله شیعه در . عراقک نجد و کربلائی اختوا اتمه سی خلقک اکثریتله شیعی المذهب بولونمقده سنه باشلیجه برسیدر . عربستانک مرکزینه طوغری اولان یرلرده سننیک جاری ایسه ده نجدک وادی حیفه - جهتلرنده ظهور اتمش اولان وهابیلک دخی خیلی منتشر در . ابتدای انتشارده بو طریقتک اربابی اهل اسلامک حیات مذهبییه سنجه متخذ اولان برچوق آیین و تقدیسات عنعنویه یی

[۱] افرنج خرسیتیانلی میسونه رلکاری جانبندن آفریقا و آسیایه دائر نشر ایدیلان برچوق آثارده ناشر دیات اولان تاجر مسلم حقنده کی حسیات رقیبانه هیجانی صورتده عرض اولونوب طور مقده در .

ضلالت و یا بطلان اعتقاد صایه رق بر حسن تعصب به بونلرک ازاله و محاسبه شدت آرزو کو سترمش ایدی. صوک زمانلرده وهابی عربلری حجاز خطه سفی اله کچورنجه ابن السعودک آمریت منورانه و مدبرانه سی آلتنده اوکی باشقه لرینک حریت مذهبییه سنه تجاوز حرکتلرینک بکده میدان بوله مدینئی آکلاشیانور. یمن جهتنده کی نفوس اسلامیه به کانه زیدی مذهبک غالبیتله جاری اولدینئی بواها لینگ عددیخی صخته یاقین بر صورتده تعیین قولای برایش کوروله مکده دره

قبائل انقسامی

عربستانده کوچه به حیانتک حالاعمو میتله جاری اولدینغه و قصبه لرده کی اهالی مسکونه آره سنده بیله بروصف بدویت حکم سوردیکنه دائر اولجه اشارتده بولونمشیدک ، یعنی بوتون قوم غرب - داه - متری امتلرک - خلاقه اوله رقی قبيله انقسامنه تابع قالب کیتمکده در . قوم عربک قبيله لره انقسامی بک گرفت و حتی ایچدن چیقيله مهیه حق قدر متفرع بر تسلسل اشعاب عرض ایدر . ازمان عتیقه نک اسملری تاریخده مسجل بعض قبيله لری اورتدن قالمش و دور ازمان ایله بر اصلیتدن تفرع ایدن طائفه لر دن مختلف کنیه لر آلتنده بویوک و یا کوچوک آیرنجه قبيله لر میدان ککشلردر . اسکیدن قالان قبيله لرک بعض شعباتی کی صوکرده دن عرض موجودیت ایدن بعض قبيله لر جزیره العربک خارچنده مأوالر و یا مرعالر بولغه چقمش لر و - آتیده ذکر ایده جکمز اوزره - زماندن زمانه آفریقانک شمال شرقی جهتنده کی طرق مرورییه آشوب مغربه و سودانه قدر تمیدد مرحله ایشلر و بعضلری خطه مصریه ده قالمش لردر . جزیره العربده کی طبیعت حیات بو حالت سیر و هجرتک باشلیحه سائی بولونه ککشددر . موقع جغرافی اعتباریله غربی آسیانک بواوچی آسیادن زیاده آفریقایه وجوه مشابهت عرض ایدر . قوملقلر ، قوری قیالقلر ، قیصیر چوللر ، اورالرده تورمین و آوره ن اولاد بشری بالطبع یوقسوللق قارشیننده بولوندره ککشددر . بو حالت طبیعت - بعض حوالی منعمه ایله واحه لر استننا ایدیلنجه - شرقتدن و غربندن ایکی طارده کیزایله یعنی بصره کورقزی و بحر احمرایله و جنوبندن بحر محیط کبیرک صولریله احاطه ایدیلن بومعظم شبه جزیره نک همان هر طرفده مشاهددر . بوندن طولانی جزیره العرب - آثار مدنیت و افعال ترقی ایله استیناس حاصل ایدن مقصور الحدود جهتلر مستننا اولق اوزره - آنجق بشایله سکزمیلیون آره سنده تخمین اولونان عربانه ، بدویلره جولانکاه اوله رقی قالمشدر .

بوخلقك قبیله لره صورت انقسامی اول امرده شمالی ، مرکزی ، جنوبی اولقی اوزره توصیف ایدله لیدر . شمالی قبیله لر دن عزیزه قبیله سنك بعض قوللری سوریه چوللرینه و حبور ایله دیرزور جهتلرینه قدر سر پلشلردر . ابن السعودك منسوب اولدینی حسنه قولی او بویوك قبیله نك شعبه لرندن بولوندیقی روایت ایدیلور . ینه شمالی قبیله لك بویوك لر دن شم قبیله سی بصره کور فزندن یوقاری اولان طرفلرده بولونور . بادیة الشامدن عراقه طوغری امتداد ایدن ساحه لرده جیله و یازید ، همیده ، بنی سخر کی اولدقجه نفوسی کثرتلی قبائل میدان جولان بولور . بونلرک شیخلری احتراصات شخصیه ایله بربری علمینده اوغراشه کدکری کی افراد منسوبه لر نی . و قبیله اویرلرده نفوذ حاکمیت کوسترمش اولان - تورکره قارشو دخی عاصی بر وضعیته سوق ایدرلر و عثمانلی هیئت اداره سنی عصیانلری باصدیر مق ایچون قوای تأدیبیه تحشید و سوقته و بناء علیه جان و مال فدا سنه مجبورایلرلردی .

مرکزی ساحه لره طوغری اولان یزله یاییلمش اولان قبیله لك مهملرندن (هویتات) باشلیجه عقبه حوالیسنده سر پیلیمش بولونمقله برابر بونك بر قولی مصر طویراغنه قدر کچمش و طنطا جوارنده بدویت حالنده یاشامقده بولونمشدر دییه روایت ایدرلر . هر حالده بو قبیله نك کتله عظماسی عقبه حوالیسنده قالمش و عربده جو افرادی و قبیله عثمانلی اداره سنه مکرراً باش بلاسی اولمشدر . قبائل مرکزیه دن صاییلان بنی عطیه و قبیله باب عالی حکومه تی طرفندن حجاز ده میریونلک محافظه سی آمرنده استیخدام ایدلمش اولان بر طائفه در . کذلک ساحه مرکزیه قبائلندن صاییلان جنبه ایله حجاز اراضیسنه منسوب مواهب و حرب طائفه لری ذکره شایاندلر . ارض حجازک جنوب طرفلرنده هذیل ، بنی فحام ، و بویوك قسمی آفریقاه کچمش اولان جهادله کی متفرق قبائل واردر . داها آشاخی حوالیده بولونان قحطان و دواسیر قبیله لری ده اهمیتله ذکره شایان صاییلورلر . مرکز دن شرقه طوغری اولان جهتلرده اسکی زماندن بری معروف بنی تمیم قبیله سی واردر که بونك نجد طرفلرینه قدر کیدن بر طائفه سنك افرادی وهابی بولوندقلری حالده عراقه طوغری کوچه به لك ایتمش اولان قولی ده شیعیدرلر . ینه مرکز دن شرقه طوغری کائن اولان حوالیده مطیر ، بنی خالد ، عجمان ، بنی حجاز قبیله لری بولوندقلری کی و قبیله حاکمیت عثمانیه یی کندیلرینه قارشو قوای سفیره لر سوقته مجبور ایده جک قدر ازعاجات اجرا ایدن اهل مرته واردر .

عسیر ، یمن ، عدن ، حضرموت جهتلریله جنوب شرقیه طوغری اولان یزله و خاصه عمان طرفلرنده برچوق متفرق قبیله لر یاشارلر . ازمان عتیقه ده یمنده مهم برمدنیه

خادم اولمش بولونان طوائف مسکونه دن بعضیلرینک احقادینک مرور اعصار صیره سنده حالی بدویته رجوع ایتمش اولملری بومناسبتله قیده شایان اولان روایات عجیبه دندر .

وضعیت اقتصادی

جزیره العربک وضعیت اقتصادیجه اولان اهمیتک آنجق سواحلدن وبالحاصه شرق سواحلدن بعض نقطه لره منحصر قالدیغنه دائر اولجه بر اشارتده بولونمش ایدم . عربستانک محصولات داخلیه سنک اکثریتی خورما تشکیل ایدر . عالم افرنجده (موقا) اسمیله یاد ایدیلن یمن قهوه سی مشهور جهاندر . حال بویله ایکن یمک بهالی به استحصال اولونان نفیس قهوه سی خارجه صاتیلور وبلاد عربیه نک بر چوغنده داهای او جوز صاتون آلینان بره زبیلیا وهند شرقی آطه لرینک اخراج ایتدکلی قهوه لر ایچیلور .

جزیره العربک قسم شمالیسنه دوشن عظیم نفص چوللرندن عمانه قدر امتداد ایدن لرلرنده بدویلر طرفندن آئی جنس دوه لر یتیشدیریلورکه دوه وه لرداخلی نقایاتده وبالحاصه نقلیات عسکر به ده الک ألوریشلی حیوانلردر . مشهور عالم اولان عرب آت لرینک الک ای جنسی نجد طرفلرنده یتیشدیریلور . عرب آت لرینک دیگر جنسلردن بولونان آت لرله قانلری قاریشدیرلمه سندن سواریلکه ونقلیاته یارار آت لر و بیکیلر حصوله کدیکندن عرب آت لرینک ممالک اجنبیه وبخصوص هندستان ومصره اخراجاتی چوق وقوع بولور . حجازده ، یمنده ، نجدده یتیشن ونقلیات عسکر به ده مفیدلکلی کوریلن آئی جنس حمارلرک خارجه ارسالاتی صورتیله ده بعض مرتبه تجارت وقوع بولور .

مال صناعت

صنایع جهتیله جزیره العرب الیوم دنیا نک الک فقیر مملکتلرندن بریدر دینیلسه یا کلیش بر ملاحظه اولماز .

وضعیت سیاسی

جزیره العرب خلقنه تعلق ایدن وضعیت سیاسی حقیقده ده بوراده مطالعاتده بولونمش علم زمیندن تباعد ایتک کی بر شی اوله جفتدن باشقه مغلق ومشکل التخیل بر بحثه آتیلحق کی بر حال دخی اولور . مع هذا یالکز تورک ایله عربک اوزون عصرلر سورن مناسباتنه تعلق ایدن جهتدن عالم عربده کی حادثات سیاسییه بر لحظه عطف نظر ایتک

صدده یکده اوزاقلاشمق کبی بر حال صایلمهسه کرکدر . اورته آسیادن غربی آسیا جهتلرینه طوغری کلوبده عرب قومی ایله ایلک دفعه تماسلری حاصل اولان تورک اولادینک سرگذشتی هنوز باشلیجه بر صورتده تلفیق ایدلمکک محتاج طوریبور . بوتماسک - مختلف قوملره منسوب بونجه افرادی عضویت معنویهسنه قاتهرق جهانگیرانه بردولت چیقاردقدن صوکره عربستانده حکمنی انفاذ ایدن - عثمانلی قوتنک ارتقاسندن اول باشلامش اولدینی معلومدر . عربک هیئت اجتماعیسی ایله ابتدالرده تماسه گلش اولان پک چوق افراد اترک - اصلاً ملی اولان - بر حرث عرفانیدن محروم قالدقلرندن عرب دیلینک جاذبه مقناطیهسنه مجلوب اولمشلر و خلفانک مؤسسات اداریهسی آلتنده کنیدیلرخی عرب نفوذینه قایدیره رق تعرب ادوب کیتمشلردی . لکن صوکره لری تورکر کنیدیلرینه خاص اولان استعداد استقلالپرستانهیی حس استعماله باشلامشلر و کنیدیلرینه کلوبده حاکمیت قومیه لریخی متوسعاً انفاذه قویولدقلرنده اسلامیتک تقریب عرقیت و تقلیب قومیت خصوصنده کی قدرتی کندی لهلرنده قوللانهرق بر چوق عربلری تورکلک جامعیهسنه طوغری جذب و جلبه موفق اولمشلردی . واقعا تورکر لسان و ادبیات عربیه دن استعانه و استعاره ده بولونمشلر و حتی اشخاص منفرده صورتیله عرب مؤسسات تعلیمیه سنک و منابع عرفانیه سنک بقاسنه و حتی توسعنه خادم بیله اولمشلردی . شو قدر وارکه ایجمزدن علمسز بر حالده سیاسی اولیویرمک ایسته یین بعض ذواتک ادعاسی خلافته اولهرق اوافعال استعاره و استعانه تورکی عربک زبونی ایتهمشدره . بالعکس تورکلک عرب اوزرینه حکم اداریسنی انفاذایله دیکی بونجه بلادده بیله تورکلک - حرث عرفانی زمیننده - عربلق ایله خیلی زمان رقابته موفقیتیه کیریشمش ایدی . عراقک ، سوریه نک ، فلسطینک ، حجازک ، و حتی یمک و لسان ایله عنعنات یونندن عربلاشمش اولان مصرک مرکزلرنده عربجه ایله برلکده تورکجه سویه نور ، اوقونور ، یازیلوردی . احکام اداریه و تشریعیه تورکجه اصدار اولونور ، بعضاً فتوالر بیله تورکجه یازیلوردی . داها ایله ری کیدوبده دییه بیلورزک بروقتلر جزایرک حوالی ساحلیه سنده کی قصبانن بعضلرنده تورک دیلی خیلی کنیش بر جای استعمال بولویوردی . کیت کیده بلاد عربیه نک مهملرنده تورکجه اولهرق کتابلر و غزته لریله چیقارولمش ایدی . بوبابده مخصوصاً صرف ایدلمش مساعی بی استصغاره چالیشق محق و یا منصف برمسکلدن ایله ری کله من .

لکن مناتنی اوزون عصرلر محافظه اید بیلمش اولان اسکی تورکلک عالنده مزایای

ذاتیہ صارصیلور، عزیم قدیرتی طاوصار، تسیب خوینی آرناز اولدی و غلبه چالان قلندرک طورى مهام امورده ثمره سیئه سنی کوستره کلدی. کندیته کله مهینلرک بالطبع اراده لری معتبر اولماز، موقعلری تنزل ایدر، نفوذلری ضایع اولور، آثار ملیه لری زوال بولور. اسکی تورکک عالمک آرتق های هویه طالمغه باشلادینی، «نمه لازم» قیدسزلغنه قابلدینی و قتلرده اعیار اجانب بوش طورمه یوردی و تورکک غائب ایده کلدیکی هر ساحه نفوذی همان اشغاله قوشیوردی.

ایمدی ممالک عربیه سیاستک محوری استانبولدن کیتمکه یوزطوتدی، شرق قریبده کی امپریالیزم مسلکته مجرای کامل آچغه قویولان انکلیز لراو محوری لوندره یه نقله اوغراشوب طور دیلر و عاقبت، نقله موفق دخی اولدیلر. اوبابده بلافاصله وقوعه کلش اولان انکلیز مساعیستک وسائل و وسائط اجرائیه سی شایان حیرت درجه ده متعدد و مؤثر اولوب بوراده تشریح لرینه کیریشمک زمین مقاله توافق ایتیم. سیاست عربیه نک محوری حالاده لوندره در. بونک نه زمان عالم عربک قلبکاهنه نقل ایدیله چکی هنوز کسیدریله مز.

اورموجی فصل

(آفریقا و آنده کی اقوام مسلمه)

اسلام اقوامی آنسوغرافیاستده - اسلامیتک تاریخ انتشاری وجهله - بر سلسله ترتیب اتخاذینی تدريس مقصدینه موافق بولمش ایدک. بوصورتله عرب قومک آنسوغرافیاجه اولان وضعیتی مناسبیله تفصیلاته کیریشدکدن و جزیده العربیه ملاصق اولان یرلرده یاشایوب مستعرب دینه جک بر وصف قومیت ارائه ایدن طائفه لر حقننده ده اشارتده بولونددن. صوکره آتق آفریقانک نصف نیالینستده کی مسلمان کتله لری اوزرینه توجیه دقت ایدیله جک بر موقعه کلش اولدق. لکن ابتدای کلامده - بویوک بر قسمی اسلامیته مقرر اولان - آفریقا قطعیه سی حقننده عمومیت وجهله بر قاچ سوزسویله مک مقصدن تباعد معناسنی افاده یایتمسه کرکدر.

جغرافی وضعیت

آفریقا قطعه‌سنگ مساحات ارضیه‌سنده کی وسعتک درجه‌سنی کو سترمک ایچون تصویر اولونان مخیل بر خریطه ایچنده [۱] شو مملکتلرک اشکالی صقیشدیرلمشدر :

شمال شرقی جهته چین الکاسی ایله هندستان خطه عظیمه‌سی ، غربی جهته بوتون آوروپا قطعه‌سی ، نصف جنوبیده بویوک بر شبه جزیره شکلی الان قسمه دخی آفریقا جواهر متحده‌سنه عائد اولان اجزای ممالک صیغه بیلور. قونغو نهریله آنک شعباتک بوتون آوروپا اراضیسی قدر یرلردن صولری کچدیکی ، نیل نهری بویوک پورتکیز مملکتندن سربایه قدر چکیلجه‌جک بر خط مفروض قدر امتداد ایده بیلجه‌جکی ، (ویقتوریا - نیانزا) کولی ایچنده ایرلندا آطه‌سنگ باتوب غائب اوله بیلجه‌جکی عندالحساب آکلاشلمشدر. نیل ، نیجر ، قونغو دنیانک الک بویوک آقاز صولردن اولدقلری کبی (زامبه‌زی) نهرینک شالاه‌سی دنیاده کی چاغلا یانلرک اک عظمت‌لیدیر .

اکثر جهاتی وباخصوصی ممالک ساحلیه‌سی قاوورجی بر کونش ضیاسیله یانان بوقطعه‌یه اون طوقوزنجی قرن ده آفریقاده کشفیاتده بولونمش اولان انکلیزسیاحی مشهور (ایسته‌نله‌ی) « قاره قطعه » اسمنی ویر مش ایدی [۲] بوتعیر بالاخره آفریقا ایچون بر علم کسیدلی . بوتلقیب ایسه آفریقا سکنه‌سنگ اکثریت اوزره سیاه ده‌ریلی ویا قسماً قویواسمر رنگلی بولونم‌سندن زیاده آفریقا داخلنک اسکیدن بری عالم خارجیه به مجهول و مظلم قالم‌سندن طولایی بولونسه داها مناسب دوشمر . فی الواقع آفریقا قطعه‌سی سجلات تاریخیه‌نک ادوار متقدمه‌سنده کندی کندیسنه مختص ومنحصر بروضعینده قالب کیدیکندن آسیا و آوروپانک آز جوق مدینت کورم‌ش امتلرنه - مصر ایله حوالی متجاوره‌سی مستثنا اولق اوزره - مجهول بولونیوردی . آفریقانک اکثر جهاتنک احوالی ، جهانک اقسام سائره‌سی خلقنه صوکره‌لری معلوم اولمغه باشلادی ؛ فقط بویله بر وقوف آفریقا سکنه‌سنی کیت کیده اولا آسیانک وصوکره‌لری آوروپانک بعض اقوامنک زبون اراداتی اوله‌جق بر وضعیه صوقدی . مصرک اسکی مدینتی بیلله تحکم خارجی مواجهه‌سنده زواله یوز طوتمشیدی .

[۱] بوخریطه انکلیز میسیونره‌رلردن راهب (دیوبل ووکر) ک لوندرده ۱۹۲۴ سنه‌سی نشر ایدیلان (آفریقا) عنوانلی کتایبده کورلمشدر .

[۲] اون طوقوزنجی قرن ده آفریقاده کاشفانک ایدن سیاحلرک مشهورلری شونلردر : استوچیالی (لیونگستون) ، انکلتزه‌نک غال‌ایالتنه منسوب (ایسته‌نله‌ی) ، آلمانیالی هانریخ بارت ، ریغالی (شیوان فوورت) .

آفریقایی : شمالی ، وسطی ، جنوبی اسملری آلتنده اوچه تقسیم ایدنجه « قاره قطعه » تعبیرینک - اشکال سکنه‌ئی مشعر اولق اوزره - حقیقت حالده جهات وسطیه و بر درجه غالبده جهات جنوبیه هائده بولونمسی لازم کله جکی منقسم اولور . نصف شمالی حوالیسنه کلتجه : اوجت آسیا و آوروپا اراضیسنه یاقین دوشدیکندن داها نیجه عصر لر مقدم بوا یکی جانبک تأثیر نفوذینه معروض قاله کلشیدی . آفریقانک استیلاسی ده اوطر فلردن وقوعه کلوردی .

تقسیمات اصلیه عرقیه

علی العموم آفریقا سکنه‌سنی اصلاً دورت بویوک عرقه آیرمق اقتضا ایدر که بولنری ده یوقاریدن آشخی حامیه وسامیه کوکترینه ، زنجی و بانتو قوللارینه منسوب طوائف تمثیل ایدر لر . حامیه و سامیه قوللری آفریقانک نصف شمالیسنه و زنجی قولی آنک اقسام وسطیه‌سنه و بانتو کتله‌لری نصف جنوبییه طاعیل مشلردر . لوندره نك مشهور (بریتیش موزه نوم) نام آثار عتیقه خزائنک (اثنوگرافیا) مدخراتنه مخصوص اولان رهبر کتاینده آفریقانک اصلی اولان عرقلری بشقه تقسیم ایدلشدر که بولنرده لیبیالیر ، حامیلر ، حمیرلر و یاسامیلر ، زنجیلر ، اورمان نشینلردر . بوتقسیمه کوره نصف شمالیده کی حامیلر - لسان مشابهته رغماً لیبیالیردن آیری بر اصلیه منسوبدر لر . نصف جنوبینک سیاهیلر نی ایسه خالص زنجی ایله ملز (بانتو) طائفه‌لری تمثیل ایدر لر . خالص زنجیلرک مختلف طائفه‌لری بویوک بر مشاهبت جسمانیه عرض ایتدکاری حالده لهجه‌لری غایتله متبایندر . حال بوکه (بانتو) طائفه‌لرینک قوللاندقلری لسانلر آره‌سنده برچوق مماثلت بولونور . زنجیلر ایله اورمان نشینلر آفریقانک سکنه اصلیّه عتیقه‌سندندر لر . قویو اسمر رنگلی سامیلر ایله آجیق اسمر رنگلی حامیلر آفریقایه صوکرده دن آسیادن کلشدر لر . لیبیالیر ایسه آوروپایی بر اصلیه منسوب کی ظن اولونور لر .

سیاهیلرک ویا زنجیلرک

علی العموم آفریقا سکنه‌سنک درجات مختلفه ده سیاه ویا قویو اسمر رنگلی بولونمسی برلی خلق کتله‌لرنده کی اصلیت عرقیه نك لایقیله بیانمسی خصوصنده علامت قاره اوله رق کوسته‌ریله من . بوتقه نك اقسام شمالیه‌سند ه طاعینق صورتده یاشایان بربر طائفه‌لرینک اسمر رنگلی اولانلرنده دکل حتی قسم جنوبیده کی آجیق سیاه رنگلی بعض اجناس افرادنده

بیله زنجیلکه خاص صاییلان بعض اوصاف جسمانیه و ظاهریه پکده مشاهد دکلدر. مرکزندن خط استوانک کچدیکی بوقطعه ده ساکن بولونانلرک خط استوایه ملاصق و یا متقارب حوالیده یاشایان طاققلری بلکه شدت حرارتندن طولایی قوزغونی سیاه بولونداقلری حالده شمالک بربر قبیله لری و جنوبک (هوتنولری) - احتمالک دها زیاده یاشادقلری اقلیملرک اعتدال نسیلرندن طولایی - اسمر ویا آچیق رنگلی بولونورلر .

چول مالک

آفریقانک هانکلیت اوزره عناصر مسلمیه ماوا ی توطن بولونان شمالی قسمی دنیانک الک بویوک برچولنی محیط اولوب ایشته بوچول مدنیت خارجیه نفوذنی آفریقانلنک احرازینه ازمان قدیمه دن بری مانع کسيلمشیدی . شمال شرقیدن قاره قطعه یه التصاقی بولونان وجهه منجه آسیای غربینک جنوب گوشه سی اولق اوزره صاییلان جزیره العرب، حقیقت حالده بو آفریقا چولندن آیرلش برپارچه و دیگر طرفدن دخی برطار ده کیز اولان بحر احمر بویکی متشابه خطه ارضیه یی یکدیگرندن تفریق ایله بن برکورفر حکمنده در. بو آفریقا چولنی شرق جانبندن تقریقه اوغراتان دیگر برصوداها واردرکه اوده نیل نه ریدر . آفریقانک قسم بالاسندن مرکزینه طوغری وقوعه کلش اولان استیلا افعالی و آثار مدنیت ادخالی بونیل صوبی حوالیسنندن اجرا ایدلمشیدی . مع مافیه « صحرای کیر » نامی آلتنده معروف اولان معظم چولک غرب جهتلری دخی مروره صالح نقاطی و سکنایه آلوریشلی اقسام اراضی یی محتوی بولونداقلرندن بوجهتلردن دخی مرکزی آفریقایه طوغری مهاجرت جربانلری واقع اوله کلشیدی [۱] نیته کیم نفوذ اسلامیت بوجهتلردن دخی غربی و وسطی سودانه تأثیر ایله مش ایدی . بناء علی ذلک شمال شرقی جهتلرندن سامیه کوکینه و شمال ایله شمال غربی طریقلرندن حامیه کوکینه نسبت عریقه سی بولونان طوائفک افرادی مرکزی آفریقایه طوغری آقین و یا مهاجرت ایده کلدکلرندن بونلر آفریقانک قسم وسطی

[۱] زمانزده قوم چولارینی ته بوب پکر صورتده یایلمش مکلف سیاحین اوتوموبیللری واحه دن واحه یه اوغرایه رق صحرای کبیرک بعض مرکزینه پوستهلر یابدقلری کبی طیاره فیلوسندن برچوق مفرزلر سکنایه صالح جهتلرده ی طوائف بدویه اوستنده اجرای ترصدا ت ایده بیلیورلر، تلسز مخبره آلاتیه مجهز اوتوموبیللرک و طیاره لرک ایسه نره لرده بولونداقلرینی مراکز مدنییه سرعتله بیلدیردکلری واقع اولوب طوردمقدمه در .

و جنوبیسی اهالی اصلیه سنی تشکیل ایدن وزنجی ویا (بانتو) ناملری آلتنده ذکر ایدیلن سیاهی طائفه لرك افرادی ایله خیلی قان قاریشدرمشلردر .

سودانده عربلر

عرب قومی حقنده کی فصلده اشارت ایتدی کمز اوزره جزیره العربدن آفریقانك شمال شرقی حواله سنه طوغری ازمان عتیقه دن بری عرب کتله لری خلول ایدوب کیتمشلردی . ایددی سامیه کوکینه منسوب اولان بواولاد بشر مصره وباشلیجه مصر جانبندن وخیلی بر مقدارده دخی بحراحر وحبشستان اوستندن کچوب سودان شرقیه وسودان مرکزییه کیده رك یرلشمش اولدقلرندن آفریقانك اوجهت لرنك سکنه سی خیلیدن خیلی به عربلشمشدر . زمان جاهلیتده آفریقایه کچمش اولان عربلر بعدالاسلام اورایه هجرت ایدن طوائف عربیه مسلمنه ایله تماسدن و دین اسلامك الهام عرفاتیسی سایه سنده جاذبه دارانی آرتان لسان عربك نفوذ توحیدیه سندن وعلی الخصوص اولسان اوزره ملهم اولان قرآن کریمك تأثیرات اعجازکارانه سندن طولانی اهتدا ایش بولونمه لری سببیه الیوم سودان خطه سنك اکثر جهاتنده کی عرب طائفه لری کاملاً اسلامیه مربوط بولونمقده دیر .

سودانده نره سیر ؟

علی الاطلاق سودان دینلنجه بونك صحرای کیردن آشاغی دوشن، نجر ایله نیل کی ایکی بویوک نهر طرفندن اسقا ایدیلن اقالیم حاره لی یرلر آره سنده کی واسع خطه ارضیه مراد اولونور . آفریقانك اسلامی بولونان یوقاری نصفنده کی الکالرك مهملرندن اولان سودان ملحقاتی باشلیجه اوچه تقسیم ایدرلر که بونلرده شرقی، وسطی، غربی دییه توسیم اولونورلر . شرقی سوداندن مقصد اولجه مصر خدیوتی طرفندن ضمیمه ممالک ایدلمه سندن طولانی « سودان مصری » دییه یاد ایدیلن وبالا خره انکلیرلرك مصر اداره سی اوزرینه وضع مراقبه ایتهلرندن وبوخطه یی یرلی دراویش قوتلریندن مصر پاره سی صرفی واکتریتله مصر عساکری استخدای صورتیه استرداد ایله دکلرندن طولانی « انکلیر و مصر سودانی » دییه توسیم اولونان دیاردر [۱]

[۱] شوضوك سنهل طرفنده انکلیرلر سودانده مصر حکومتك نفوذنی ازاله ایده جك تدابیر اتخاذ ایله مشلر شرقی سودانك حدودنی توسیم ایله برابر اوملک کی کندیلرینك صرف بر آفریقا مستمله کیسی حاله کتورمشلردر . مع مافیه « انکلیر و مصر سودانی » تعبیری هنوز استعمالدن اسقاط ایدلمه مشدر .

سودان شرقینک مسلمان عنصری ایله مسکون باشلیجه مرکزی نیل ابیض ایله نیل
ازرق صولرینک نقطه التصاقنده کائن اولان (ام درمان) بلده سیدر. بواکی نهرک التصاقدن
اول تشکیل ایله دکاری شبه جزیره نک - که یالکیز جزیره اسمنی حاویدر - بروننده کائن
و آ ز وقت ظرفنده شایان حیرت برسرعتله عصری برشهر حاله گلش اولان (خرطوم)
بلده سی اهمیت منفرد سندن طولانی بوتون شرقی سودانک وحتى بدرجه یه قدر سودان
وسطانک بر مرکز آمرتی حالی آلمشدر. انکلیز رؤسای ملکیه وعسکریه سی اوراده
مقیم بولونورلر. بوندن تقریباً یارم عصر مقدم انکلیزده طویلانش اولان و یوز بیک
(ایسترلین) لیراسی طوتان براغانه ایله وجوده کتوریلان و «غوردون [۱] قولهج» نامی
ویریلن یوکسک تدریساتلی وانکلیزجه ایله عربجه ده اجرای تعلیم ایدر بر بویوک مدرسه
خرطومک اک بویوک مؤسسات عصریه سندنر. انکلیز امپریالیزمنک شرقده کی آمالنک
بر مروجی بولونمش اولان و خدیویت مصریه طرفندن «پاشا» عنواننه دخی نائل اولان جنرال
(غوردون) ک لوندرده (تامیس) نهری ریختمنده مرکوز بولوندینی حاله سودانک
یرلیردن ضبطندن صوکره خرطوم شهرینه نقل اولونان هیکلکی شهرک مهم آبادندن صاییلور.
خرطوم شهری بر جوق سوریه لی، روم، ارمنی، قبط خرسیدانلرینی احتوا ایله دیکی کبی
بعض غرب کنیساسی میسیونره رلکیرینک سودانده کی فعالیتلرینک بر مرکزی حالی آلمشدر.
کذلک اوراده انکلیز کنیسانک نه پیسکوپوس رتبه سنده بر باش راهی مقیم بولونور.

شرقی سودان اعصار عتیقه دن بری باشلیجه سیاهیلرک مملکتی بولونمش اولدینی حاله
بحر سفید جانبندن نیل بونجه بعض مرتبه مدنیت آناری اورایه کیره بیلیمش و - سیرسفانه
مانع تشکیل ایدن شلاله لرینه رغماً - نیل اوزرندن اورایه مهاجرت آقینلری دخی وقوعه
ککشیدی. اولجه ده اشارت ایدلدیکی اوزره بحر احمرک طار برصودن عبارت اوله سی بالخاصه
عربستاندن آفریقایه سهولت مروزی انتاج ایدردی. اصلیتلری خیلی قاریشمش اولان
سودان خاقنک تکثرینه ذاتاً مجادلات داخلیه مانع کسیلوب طوررکن بوندن ربع عصری

[۱] خدیو اسماعیل پاشا مستقل حکمدار اولقی خیالیه آفریقا داخننده توسیع ممالک ایتک
ایسته دیکی صیرملرده بر طاقم آوروپایی سرکدشجولری استخدام ایدیوردی. جنرال غوردون بونلردن
بری ایدی. سودانده ظهور ایدن متمهدی قوتلری اسکی خرطوم شهرینی استیلا ایتدکری صیره ده
غوردونی قتل ایله دیلر (ایلول ۱۸۸۴) حال بوکه قلاً انکلیز امپریالیزمنه خدمت ایدن بوذات داها
اول چین حکومتنک خدمته کیرمش و ۱۸۶۲ سنه سنده (تایبنغ) ده قوماندان اولدینی صره ده
بیکارجه مسلمانک چینلر طرفندن قلنه سیبت ویرمش ایدی.

متجاوز بر زمان اول انکلتره نك توسیع مستملکات سیاسی طولایسیله حدوث اینهین جنك وجدال، فرار و قتال سبیلرله دخی او عملکتنك نفوسی ا کسيلمشیدی. غرب کنیسالری میسیونر لرلرینك سودانك بالخاصه یرلی سیاهی بترسلی آره سنده وقوعه کان فعالیت تنصر جویانه لرندن طولای و انکلیز اداره سنك حمایتی آلتنده خارجدن کان عناصر خرسنیانیه نك تکثیر یله بونلرک سربستی جولان و اجر آتندن ناشی شرقی سودانده موازنه نفوس تحوله اوغرامش و عنصر اسلامك تفوق بوضورتلرله بعض مرتبه خللدار اولمشدر .

سودان وسطایه کلنجه : بوده آفریقانك نصف علیاسنك شرق جناخندن کچن نیل بالا ایله غرب جناخندن کچن نیجر نهری آره سنده کی قطعۀ ارضدن عبارت قالور و (باغیر می)، (وادی) ایله جادکولی جوارنده کی موضعلری احتوا ایلر. وسطی ویا مرکزی سودانده (سامیه) اصلیتنه منسوب عربلر ایله بربرلر وزنچی خلق آره سنده خیلی اختلاط عرقیت حصوله کلشدر. وسطی سودان سککنه سنك اکثریت قاهره سی دین اسلامه سالکدر .

غربی سودانه کلنجه : بونك حدودی (کیفی) سواحله ویا داهها جنوبه دوشن (قونغو) وادیسنه قدر امتداد ایتمز ایسه ده هر حالده پک واسعدر و (نیجر) نهیرینك طولاشدینی حوالیده بویوک قطعۀ لرده اجزای ممالکی محتوی بولونور. نیجر نهیرینك کچدیکی حوالیده کی سودانی عنصرینك مالک اوله ییلدیکی علائم متمدنه اکثریت اوزره داهها شمالده ساکن بولونان خلقك نفوذیه حصوله کلشدر. مع مافیه عرقیت جهتندن تدقیق اولونجه آکلاشیله بیله جکی اوزره جنوب طرفلرینك زنجیلری غربی سودانه مهاجرت صورتیه متبادلاً چیقوب کلدکلرندن ویا اسیر صورتیه طوتیلوب کتورلدکلرندن غربده کی سودانیلغه خیلیدن خیلی نه زنجیلک اوصاف عرقیتی تأثیر ایله مشدر. عربی سودانده دخی صوکره دن عرب عنصرینك - بر درجه محدودده - امتزاج عرقیتی تولید ایله دیکی مظنوندر. غربی سودانده کی بنی بشر کتله لری آره سنده بر اهمیت مخصوصه یی حائر اولان (هاوسا) و (فولانی) کی بویوک طوائف اسلامیه دن صیره سی کلنجه بحث ایدیله جکدر .

علی الاطلاق سودانیلغنی نیل ارزق طریقیله کان (نه تیوپی) یعنی - الیاقین بر مفهومده اوله رق - حبشی الاصل افراد ایله شمالدن و صحرای کبیر و احملری طرفلرندن کلن (بربر) طائفه لری افرادی کی جنوبه منسوب زنجیلرک و (بانتو) اسمیه معروف سیاهیلرک اختلاطی تمیل ایتمشدر. خلاصه کلام عرقیتده اصلیت ماده سی دنیانك بر جوق طرفلرند اولدینی کی سودانده کی خلقده دخی بر حال مظلیمیت ایچنده بولونور؛ علی الخصوص اسلامیتک سودان

حوالیسندہ انتشاری اوزرینه تثبیت عرقت مادہسی داها زیادہ کسب مغلقیت ایتشدہ ؛ چونکہ اسلامی بر نفوذ سیاسینک تأثیری آئنه کلن عناصر مختلفہ بشر بر سوق روحانی ایله چوق کره امت واحده شکنه منقلب اولمق استعدادینی کوسترمشلردزه ذاتاً معین بر شکل مدنیتک حکمی توسیع ایلهدیکی برلرده اختلاط عروق حالی، طبیعتیله وقوعه کلور .

اسلامیت و زنجی

« زنجی تعبیری » آئنده ذکر اولونان بشریت افرادندن میلیونلرجه سنک - احکامنده رنک جسم فارقه متمایز سنه اعتبار اولمایان - اسلامیتک دائره نفوذینه کچمه سندن طولانی زنجیانک اصابتی حقنده بوراده بر اشارتده بولونمغه لزوم کوریلور :

مختلف زنجی کتلهلری آره سنده هر نه دورلو نفوذ مختصک ویا جواریت معینه نک تأثیرات تمیزیه سی بولونورسه بولونسون مختلف زنجی حزبلرینی احتوا ایدن جنس انسانیت علی اطلاق نی بشرک بر شعبه متفرقه سی صورتنده تظاهر ایدر . بالخاصه آفریقانک اقالیم حاره سی داخلنده کی قطعات ممالکده ساکن اولان زنجیلر - ده ری رنکینک متخالف درجاده کی سیاهیلسکنه رغماً - علی الاطلاق اسودیت ماده سنده ، قافا طاسینک طولاً یا صصیلغنده چکینک چیقینتلی اولسندہ ، صارقیق دوداقلیقده مماثلت عرض ایدرلر . بوتشابه اوصاف زنجی طوائف مختلفه سنک قوللاندقلری لهجه لر خصوصنده پکده منقهم دکلدرد . اوقیانوسی ده کیزلرک بر برندن اوزاق بولونان قطعات ارضیه سنده سرپیلمش بر حالده یاشایان و (مه لانه زبیه ن) دینیلن سیاه رنکلی اولاد بشریتک آفریقالی سیاهیله اولان وجوه مشابهتلی نه قدر چوق اولورسه اولسون بونلرک عذیلر بر بشریت دالندن انشعاب ایتش بولونمعلری مثبت دکلدرد . سیاهیله آفریقانک نصف جنوبیسنده اکثریت قاهره ایله ، قسم مرکزیسنده کلیت اوزره ، اجزای شمالیه سنده سرپینتی حالنده موجوددر . حال بوکه اسلامیت آفریقانک نصف شمالیسنده کلیت اوزره ، قسم مرکزیسنده اکثریت اوزره ، اقسام جنوبیه سنده سرپینتی حالنده تمثیل ایدر . اسلامیت آفریقاده کنندینه خاص اوصاف مالک جماعتلر حتی « امت » اطلاقه لایق کتله لر تحصیلنه خادم اولمشدر . مع مافیہ آفریقاده احزاب اسلامیه دن هیچ بریسی - استقلال سیاسی مفهومی متضمن اولمق اوزره - ملیتی تأمین ایده مه مشدر .

زنجهی ایله (بانتو) آره سنه کی فرجه

آفریقا ایچنده یاشان باشلیجه اجناس انسانک نره لرده متمکن اولدیغنی کوسته رن بر خریطه ده (بانتو) حقنده شو ایضاحات ویریلور: آفریقانک نصف جنوبیسنک شرق جهته ده - احتمالکه سامیه و حامیه دن بولونان طوائف افرادینک زنجیلرله آشلانم سندن متولد اولق اوزره - بویوک بر ملز جنس بشریت میدانه ککشدرکه اوده جنکجو، مغرور، قوی العنصر، آجیق سیاه رنگلی (بانتو) خلقدیر. بونلر بربرینی متعاقب اجرا ایتش اولدقلری آقنلرایله آفریقاده بویوک برشه جزیره تشکیل ایدن ممالک جنوبیه یی کاملاً اشغال ایله مشلدی؛ نیتکم سامیه و حامیه دن بولونان اقوام دخی آفریقا قطعه سنک اقسام شمالیه سنی طوتمشیر ایدی. مبخمزده اسمی تکرر ایدن (آنتولوژی) عنوانی اترك صاحبی (کین) دیرکه: «بانتو خالقنک طوتدیغنی زمین، سودانی صاییلان عناصرک اراضیسنه غرب جهته ده (قامارون) طرفلرندن و شرق جهته ده (آلبرت نیانزا) کولینک شمال اوجنده متلاصق بولونور. بانتولرک احزابی (تانغانیکا) کولی ایله آشاغی (قونغو) یه قدر سربلمش بر حالده یاشار. بانتولری - جسمانی بر نقطه نظر دن باقیلنجه - خالص زنجیلردن تقریق ایتک قولای اولماز. مع مافیله مسئله یی داها اطرافلی صورتده تلقی ایدرسه ک بانتو عرقنک کندی یه خاص بعض اوصاف معدله سی بولوندیغنی کوریررکه آنلرده رنگلرینک زنجیلردن داها آچیقجه اولمه سی، داها بویوک استعداد قحنی یه مالکیت، اوافق دیشلیک، داها آز اوزون چککلیک. بانتولر حقیقی زنجیلردن داها ذکی وانکشاف تعالی یه داها مقتدر درلر. (زوولو - کافر) نام طائفه بو عرقه اک آبی بر نمونه اوله رق کوسته ریله بیلور وحق (بانتو) لفظی بیله زوولوولرک لسانلرندن آلینمشدرکه «خلق» دیمکدر. بویکه کیت کیده آفریقانک نصف جنوبیسنک (زوولو - کافر) لری ایله (هوئتو) و (به جوئه) لهجه لری اوزره متکلم بولونان طوائفه علم اولمشدر. مع هذا بونلرده اک زیاده تأثیر یی کوسته رن وصف یه زنجیلکدر. بونلرده مشاهد اولان زنجیلک اوصافی سامیه و حامیه عرقلرندن انشعاب ایدن طوائفک افرادیه اولان قایتاشمه دن طولایی غالباً تعدیله اوغرامشدر. »

زنجیلر آره سنه اسلامیت

سیاهی وزنجی تعبیرلری آلتنده ذکر ایدمه کلدیکمز اجناس بشریت منسوب اشخاصدن میلیونلرجه سنک اقوام اسلامیه میانته دخولندن طولایی بالاده کی بیانیای سرد ایله دک. لیکن

آفریقا قطعه سنك من القديم عالم خارجينك زبون تغاي بولونم سندن طولايي ديكر آفریقا اقوامی کبی عیاهی مسلمانلر دخی دواملی بر موجودیت استقلالیه مالکیتدن محروم قالمشلردر؛ یعنی بر قسم اعظمی اقوام ویا طوائف مسلمیه وطن اولان آفریقا - باشند باشه - مستلمکه اجانب حالی آلمشدر. بناءً علیه آفریقا حقنده حکم سوون اجنبی سیاست استملایه سنك تاریخیجه سنه شویله جه بر لحظه باقیویرمك مقاله مزك موضوعیله غیر متناسب دوشمز .

آفریقایی استیمو واستیمو

اجانبك مستملکاتی صورتنده تاقی ایدیلنجه کوریلور که آفریقانك مرکزی وجنوبی اولان اقسامنك بالخاصه داخل جهتلی عصر لرحه بر مجهولیت مظلمه ایچنده قالمشیدی . لکن اون طقوزنجی قرن میلادیده داخلده کی حدود واسعه دخی فرنکلر طرفندن کشف ایدلمک و بناءً علیه استیلا زمینی حاضر لغمه باشلادی . حال بوکه بر چوق حوالی ساحلیه داها قرون متوسطه نك ختامندن بری آنلر طرفندن آله کچورلمش و برلی اهالی رقت اداره آلتنه صوقولمشیدی . استیلادن باشلیجه مقصدك وحشی دیارلره فوآند مدنیه ادخال اولدینی اوزمانلردن اعتباراً غربك مستولیلری طرفندن ادعا ایدیلور اولمشیدی . لکن حقیقت حالده بوسوتون کندیلرندن فرقلی اولان عرقلره منسوب تبعه مغلوبه نك دکل صرف مستولیلرک فعلینه اوله رق تأسیس ایدیان او کبی « اداره متمدنه » نك علی الاطلاق انسانیت مقصدینه خادم اوله بیله جکی ادعای نبوت بوله مه یوب کیمشیدی .

آفریقا قطعه سنك سواحلی ایلک دفعه دور ایدن پورتکیزلر لوطیع آفریقا اراضینك ایلک مستولیلری وضعیتده بولونمشلردی . بونلر ابتدا آفریقانك غرب سواحلنده لرلر طومغه و اجرای تجارت ایتمک قویولمشلردی . اک نمادار مشغولیت تجاریه لری ایسه نفوذ ایتدکلی لرلرده اسیر اوله رق آله کچوردکلی سیاهیلری خارجه آشروب صامق اولمشیدی . غریبی شوراسیدر که ایلک نقل ایتدکلی اسرای زنجیه یی الغای اسارتہ خادم اولدینی ادعا اولونان بویوک خروستیان مقام روحایسنك بر پوست نشیننه یعنی پایا بشنجی (مارتن) ه هدیہ ایتمشلردی [۱] اون بشنجی قرنك صوکلرینه طوغری پورتکیز سیاح بحریمی مشهور (واسقوداگاما) شرقه طوغری برامل کشف ایله اجرا ایله دیکی سفر لر صیره سنده آفریقانك شرق ساحللی بوینده تأسیس حاکمیت ایتش اولان اوراق عرب امراسندن دخی لرلر

[۱] بورئیس روحانی ۱۴۱۷ ایله ۱۴۳۱ سنه لری آرمه سنده قتولیک عالنك مقدس کرسینفی اشغال ایتشدی .

الکیمات مجموعه سی صابی ۴

ضبط ایله مشدی . بویه جه پورتکیز لر آفریقا سواحلنده کاش اراضی واسعه یی آله کچوروب کیتدکری صیره لرده پورتکیز قرالغنگ اقبالی زواله یوز طوتمشیدی . اون آلتنجی قرنک صوکلرینه طوغری دیگر بعض آوروپالیر دخی بومسلاک استملا که امثالاً آفریقاده اراضی آله کچورمکه باشلادیلر . پورتکیز مسلک استملا کنه ابتدا امثال ایدنلر صره سیله انکلتره ، هولاندا ، فرانسه درلر . آوروپالی مسئولیلر کیت کیده آفریقاده یالکیز یلیلردن دکل برلرندن بیله اراضی غصب واستملا کنه قویولدیلر . آوروپانک آفریقا اوزرینه اولان بوتضیق متحکمانه سی زمان مرور ایتدکجه آرتوب کیدیوردی . پورتکیز وهولاندا کبی اسکی مستملکچی دولترک یرلری باشقه لری طوتیورلردی . اوتدن بری آفریقاده دیگیش طوتدیره بیلن وکیتدکجه اطرافه کوک سالان مستملکچی دولترک باشلیجه لری انکلتره ایله فرانسه در . پیدای مستملکات ایچون صوکره دن اورته یه آتیلانلر بلجیقا ، ایتالیا وبالخاصه آلمانیا دولتریدر . لکن آلمانیا - عمومی حربک نتایج مغلوبیتندن اوله رق آفریقاده کی مستملکاتی دخی دول رقیبه قاپدیرمشدر .

آوروپانک مستملکاتچی دولترینک یالکیز یلیلردن دکل برلرندن دخی آفریقا مالکی ضبط ایتمکه اوغراشه کلدکرینه براز یوقاریده اشارتده بولونمش ایدک . انقراض بولان عثمانلی ایمراطورلغنگ شمالی آفریقاده یا طوغریدن طوغری به ویا مختاریت محلیه صورتنده اوله رق حاکمیتی آلتنده بولوندیرمش اولدینی اجزای ممالک دخی او آوروپالی مستملکاتچیلرک ایله ری کلنلری طرفلرندن یا زورله ویا خدعه سیاسیه اعمال واجراسی صورتیه برر آله کچورلمشیدی . فرانسه ایله انکلتره طرفندن اون طوقوزنجی قرن میلادی ایچنده وایتالیا طرفندن قرن حاضرک بدایتندن براز صوکره آله کچورلمش اولان جزایر ، تونس ، مصر ، طرابلس غرب ، بنغازی کبی یرلرک حکایات افتراقیه لری خاطرلرده پک اسکی اولمیدیندن اوباده ایضاحات ویرمکه حاجت یوقدر . ساقط عثمانلی ایمراطورلغنگ آفریقاده حاکمیتی آلتنده بولوندیرمش اولدینی یرلر علی الاطلاق تورک قومیتی ایچون فوائد قدرت کتورمه مشدر ؛ بالعکس تورکک اورالرده یرلشمش اولان افرادندن برخیلیسنک یریلره قاریشوب اصلیتدن تباعد ایتدکرینه شاهد اولمشدر . تورککله قلیاً مربوطیتی قلمایان ولسان اجداددن برکله بیله بیلیمین فقط تورک احفادندن بولوندقرینه دائر عنعنات تاریخیه موجود اولان برخیلی افراده مصر دن فاس حدودینه قدر اولان آفریقا اراضیسنک قصبه لرنده تصادف ایدیلور .

بونجه زمانلردر آفریقانك ساحل وداخلنده اجرای حاکمیت ایدن آوروپالیرلر یزلیلرک اصلیتلری اوزرینده حس اولونور درجهده بر تأثیر عرقی حصوله کتورده مشلردر . واقعا سیاهی قادیلرینی جسمک هوس حیوانیسی ارضا ایچون نامشروع صورتده قوللانمق آنلری قانونی صورتده تحت نکاحه آلمق درجهسنده مستملکجهلرک ضرور حاکمانه لری صا صامشدر . لکن اولاد زنانک اودهده بروده ظهوری هیچ بریده اهمیتلی صورتده ملز جماعت تکوتی انتاج اتمه مش ویا لکز فرنگک اویولده کی تماس تناسلیه می فرنگی علتک توسعنه سیبیت ویرمشدر . آوروپالی مستملککامچیلرک آفریقاده کی استیلالری اقوام اسلامیه حاکمیتک احسانی دائما بر هدف سیاسی اتخاذ اتمشدر . مع هذا افرنج نفوذی اسلامیتک بتپرست یرلیر آره سنده کی استعداد توسعنه بر جوق یرلر زده مانعه تشکیل ایدهده مشدر . یالکز غربی آفریقانك وسطنده کی بعض ممالک ساحلیه ایله شرقی آفریقانك (اوغاندا) کی بر قاچ جهنده نفوذ نصرانیت ، انتشار اسلامیه جدی عارضه لر احداثی موجب اولمشدر .

بناءً علی ذلک آفریقانك آوروپالیرلر مواجهه سنده کی بالاده مصرح وضعیتندن طولانی حقیقتاً مستقل اوله رق هیچ بر مسلمان (ملت) بقایه مظهر اوله مامش و بونجه آفریقالی مسلمانلر ایچنده بعض احزاب بشریه « قوم » عنوانی آلتنده اهمیتله تلقی به شایان بر هویت اثبات ایده بیلیمشدر . ایشته بزبوراده بومسلمان قوملرک وضعیتلرینی آئنوغرافیا نقطه نظرندن ملاحظه ایده جکرز .

فایل مقاله

